





H. XIII. 8

Novo-Tacín. Liter. -

937.
I





Henrici Nicolai

1. Oratio de Protervia quadam Philosophica.
2. Miscellanearum Exercitationum Decades III.
3. Gymnasium Ethicum.
4. Irenicum sive de differentiis Religionum conciliandi
Comentatio.

Add. 50

D. O. M. A.
GYMNASII ETHICI
EXERCITATIO XV.
ET ULTIMA.

De
Amicitia.

Quam
PRÆSIDE
HENRICO NICOLAI,

Phil. Profes. Publ.

Placidæ ventilationi subjicit,
CHRISTIANUS OMUTH,
Dantiscanus Borussus.

In Gymnasio Gedanensi.

Ad diem Novemb.
Horis locoq; destinatis.

DANTISCI,
Typis Viduæ GEORGII RHETIL
Anno M. DC. XLIX.



EXERCITATIO XV.
& ULTIMA.

De

AMICITIA.



ITa *virtus moralis* secundum omnes species suas discussa. Sequitur *aliquid*, quod non præcisè virtus aut semivirtus est, ut quidam volunt, *1. 4. 9.* Nec ei oppositum vitium, sed fructus aliquis & exercitium, vel status, in quo commodè virt. colas ac promoveas, quem *Amicitiam* vocare solemus, res Sole in mundo utilior, *Cicero Lal. 1. 22. 47.* Ut festivè quidam, cum solus coenasset, non coenasse se, sed tantum comedisse, dicere solitus fuerit. Ut *Plutarch. præf. l. 7. Sympof.* tradit: Sic homo solitarius non vivere, sed tantum esse dici possit. De quo porro *pro clausulâ Ethicæ* jam videndum.

2. *An saluâ caritate Christianus cum alio amicitiam colere queat*, primò omnium hic quæritur? Diligere enim proximum, ut seipsum, tenetur. *Dent. 6. v. 5. Luc. 10. v. 27.* Et omnibus ex æquo benefacere. *Matth. 5. v. 24. Prov. 25. V. 21. Rom. 12. v. 20.* Contrarium Scripturâ patet, quæ amicitiam jubet, *Prov. 17. 18. 27. Syrac. 6. 7. 9. seq. 22. 27. 37.* Et exempla amicorum recenset, *Gen. 12. 20. 21. 26. 1. Sam. 18.* Et passim: *Et Naturâ*, Sociale enim animal homo naturâ est, ad societatem natus, sœtus, & promptus. Hæc autem optima in amicitia est, unde naturâ ad amicitiam inclinat natura non distorta, ut patet. *Ad Opposita nota 1. Omnis homo diligendus*, quâ veritatem, sinceritatem, benignitatem, & publico communiq; amore: non pari affectu & gradu quâ benevolentiam, complexum, admissionem, interiorem

noticiam & conversationem, ac privato specialiꝑ; amore. Hic & DEus amandi gradus distinxit, *Gen. 2. v. 24. Matt. 19. v. 5. Gal. 6. v. 10. Eph. 5. v. 28. 1. Tim. 5. v. 8.* Et Christus Johannem magis dilexit, *Joh. 13. & 21.* Et Petrus magis Christum, qvàm reliqvi, *Joh. 21.* Et sceleratos, qvâ tales, odisse possumus, *Psal. 31. v. 2. Psal. 139. v. 21. 22. Psal. 119. v. 113.* 2. Omnibus benefaciendum sincerè & ex animo, non dolo aut simulatè. *Quibusdam* specialiter & majore propensione, ut amicis, cognatis, parentibus, notis, ut magis commendatos habeamus. intimiùs complectamur. Sic Joseph omnibus fratribus benefecit, sed intimiùs Benjaminum complexus est. *Gen. 43. v. 34.*

3. 2. *Quomodo, & ubi in Eth. de amic. tradendam?* *Quidam* in totum ex Eth. eam omittunt, ut *Gutkius, Plateanus, Goclenius, Walens, Morisanius, Ch. Matthias, aliȝ.* *Quidam* ad Justiciam referunt, Ut *Conimbricens. d. 9. Eth. q. 1. a. 4. Euchstachius S. Pauli tr. 3. p. 3. q. 6. Raconis q. 2. d. Virt. m. 4. Strevesdorf. d. Jus. & J. q. 80.* *Quidam* ad Affabilitatem, ut *Leslius. L. 2. d. Just. & J. C. 47. d. 7.* *Quidam* ad semivirtutes, ut *Zapfius d. semiv. t. 11. f. 28.* Quamqvam *f. 10. p. 166.* Specialiter de amico tradit. *Aliȝ* distinctè eam in Eth. proponunt, ut *Arist. 8. Nicom. Piccolamin. grad. 7. Ethica. Mauriti. l. 2. C. 27. Rigerus l. 2. Eth. c. 9. Scultetus, Daneus, Hornejus, Jonstönus, Velsstenius, Bartholinus, Keckerm. Alstedius, Donaldsonus, aliȝ.* Qvos *d. 10. Dec. 3. Misc. citavi.* Et rectiùs. 1. *Virtus enim completè in Eth. tradenda,* etiam qvâ effecta, fructus, consequentia. Sed inter hæc eminet amicitia: Et ad finem moralem, felicitatem civilem, facit, non ut medium, sed ut usus, fructus, & effectum medij, virtutis, in qvo veracitatem, liberalit. Urbanitatem, justiciam, modestiam, aliaq; commodissimè exerceamus.

Civi-

Civiliter enim felix & amicos habere debet, & amicitiam intendit ac colit. *d. 2. t. 9.* In prosperis socios, in adversis solatia, in utrisq; sodales habet.

4. 2. *Post virtutes de amicitia tradendum*, quia fructus, effectus, & usus virtutum est, & virtutes media sunt, quæ in eâ exerceri debent. Causæ autem antè effecta distinctè proponuntur, quia horum distincta cognitio ab illis pendet, & usus rei post rem, non antè eam, traditur. Sic in *Georgicis* primò terra, post colere & serere eam, traditur, in *Logicis* primo notiones Logicæ, post praxis & usus earum deducitur. 3. *Non ad justitiam, affabilitatem*, aut semivirtutes reducenda, non enim magis justitiæ aut affabilitatis, quàm reliquarum virtutum usus in eâ est, pariterq; omnes jucundè in eâ exercentur, ut non magis ad unam, quàm alteram, referri debeat: Nec semivirtus est, hæc enim principium & gradus ad virtutem, *d. 13. t. 8.* Sed amicitia, usus, & fructus, & status, in quo ea exercetur, *t. 1. est*; Et vel connata, quod non, non nascimur amici, sed usu fimus, & comparamus amicos, vel acquisita esset, at hæc incompletum quid in virtute. Sed in amicitia usus virtutum perfectissimus esse potest.

5. *Vox amicitia Theologicè* sumitur pro spirituali fidelis cum Deo conjunctione, *Joh. 11. v. 11. C. 15. v. 14. 15. Esai. 41. v. 8.* Vel cujusvis hominis designatione, cum quo res evenit, *Matth. 20. 22.* Vel auxiliatorem, *Luc. 16. v. 9.* Vel conjugiale obsequium, *1. Cor. 7. v. 8.* *Philologicè* pro gratia vel sympathia rerum naturalium, sic, nec diis amicum est, nec mihi, *Horat. l. 2. od. 17.* *Philosophicè*, pro mutua hominum inter se benevolentia. Et vel pro relatione & statu, ut cum amicus amici amicus, vel fundamento, amore, & benevolentia, & hoc vel generaliter, ut in probis & impro-

bis ille, ubi melius factio & conjuratio dicitur, *vel specialiter*, ut in probis & honestis. Et hoc *vel pro habitu ac affectu* benivolentiae, quomodo & inter disitos amicos, ut per literas, *vel pro actu*, cum consuetudine gaudetur, & officia exhibentur. Sic maximè hic sumitur, & oppositum docet, ut cum senes, morosos, acerbos, misanthropos, ad amicit. ineptos dicimus, qui nec consuetudine gaudent, nec officia curant. Gr. Φιλία, ἔργον, Germ. freundschaft/ Pundtschaft/ gemeinschaft/ dicitur.

6. *Essentia ejus definitione, Causis, Subjectis, affectionib. effectus, diversis, & oppositis explicatur.*

7. *Definitio est, Amicitia est benevolentia vera, nota, aperta, & actiosa quorundam inter se mutuo, honesti & amabilis boni gratiā exercita.*

8. *Genus est benevolentia, quæ amoris & voluntatis propensio in alium ob se applicata est, h.e. interni affectus in alterum extensio & promotio, quâ benè ei cupitur & facitur. Ob se, quia res interdum ob aliud amatur, ut usum, commodum, delectamentum, velut supellex, pecunia, Musica, vinum, qui amor concupiscentia dicitur. Sed hic propter se amare, & rei per se & ob se bonum cupi debet, qui amor benevolentia dicitur. Sic amatur vinum ob usum & suavitatem ejus. Sed nemo Ethicè & propriè amicus vini dicitur, velut amica luto sus generali sensu dicitur, s. s. Amicus tantum per & ob se amatur, ut fundamentum amandi ipse amicus sit, non ob usum, jucunditatem, necessitatem, commodum, aut aliud quid. Sic enim magis necessitas aut commodum, quàm amicus ipse amatur. Et hoc non constans, sed transitorium esse solet, quod non in verâ & Ethicâ amicitia. Hic amor benevolentia vel ut habitum spectatur, quo simpliciter aliquid bonum cupitur, undè*

undè interdum amicitia est. Sed hoc non præcipuè hic attenditur: *Vel ut actus, & habitus in actum, affectus in effectum, & cupere in facere, cogitatum in operatum vertitur. Ita in primis hic sumitur.*

9. Hoc modo benevolentiam sumptam *verum amicitia genus esse, patet remotive & positive. Remotive, quia aliud accuratum dari nequit. Non est virtus, ut Rigerus & Goclenius volunt. Virtus enim habitus totaliter ab nostrà potestate dependens est. Sed amicitia nec habitus, sed actus, nec ita pendet, sed & ab eo, qui amatur & redamat. Et virtuosus aliquis esse potest, ut cum nullo amicus sit, ut solitarius, Eremita. Virtusq; propriè fundamentum amic. est, non ipsa amic. t. 4. Nec affectus, ut Daneus. Hic enim naturale & connatum quid, amicitia morale & comparatum; Ille indifferens, hæc magis ad bonum determinata, non ut virtus, sed ut ejus usus & fructus, t. 1. & 4. Nec caritas, ut Scultetus, aut amor, ut Piccolomineus Gr. 7. C. 3. hæc enim etiã affectus sunt, & in amicitia caritas ac amor est, sed non ipsa am. est; Actus enim & extensio aut applicatio amoris est, t. 8. Nec unio vel conjunctio, ut Keckerm. Timplexus, Felsstemius, Alstedius. C. 26. Eth. 3. Krakevitz d. 13. Eth. t. 31. 32. Non enim amici in amicitia uniuntur, quomodo unio est duorum in tertio conventio, sed in virtute, aut utilitate, jucunditate, similitudine, &c. Et amicitia causa efficiens unionis in aliquo est, per quam amici in tertio junguntur. Sic per amicitiam David & Jonathan uniti & juncti fuerunt in virtute, 1. Sam. 18. Non ipsa eorum junctio vel unio fuit. Et unio relatum quid est, transcendente vel prædicamentale. At amic. primò absolutum quid, actus, usus, fructus, t. 4. Secundò relatum, & inter amicos relatio est, sed amicitia ipsa rel. non est, ut*

est, aut per eam ut gen⁹ definienda, sed principaliter aliud
quid, *t. 8.* Quod pro genere ei assignandum, *t. 10.* Et rela-
tionis non solet esse efficacia. Sed amicitia in civilibus
ingens est eff. *V. Ciceronem in Lelio.* Nec est *semivirtus,*
justitia, affabilitas, aut simile quid, *t. 4.* E. maximè bene-
volentia ex genere suo erit.

10. *Positivè,* quia essentialiter ei competit. Bona
volitio enim in amicitia ita requiritur, ut amicitiam non
concipere valeas, quin bonam volitionem concipias, ut
humanitatem non sine animalitate, hanc sine vitalitate
cogitare queas. At quod ita est, essentialiter rei est: *Et latior*
est eâ, nam & in eum fertur, qui non redamat, ut David in
Absalonem, *1. Sam. 12.* Et in ignotum, ut miserum, de
quo audimus, sic in Germanos à furiis militaribus excru-
ciatos, Christianos in Turcia captivos; *Et in benevolendo*
sistere potest, ut opitulatio & auxilium non addatur, quod
non in amicitia, quæ volita vertit in opera, *t. 8.* E. latior
amicitia, ubi mutuus amor, notitia, & actualis succursus
requiruntur. E. verè genus ejus esse potest.

11. *Cætera ad differentiam spectant,* & à propriis,
subjectis, & causis sumpta sunt. A propriis benevolentia
determinatur, ut *vera, nota, aperta, actiuosa, & mutua* sit.
Vera, non falsa, simulata, insidiosa: Ut consensus cordis,
oris, & operis adsit. Secus multi amici ore & gestu, non
corde & affectu, qui amici nominales & nuncupati, non
Ethici & morales sunt, *V. Syrac. 6. v. 8. 9.* Amicus in pe-
ctore nasci debet, non atrio, *t. 14. 15.* *Nota,* ut à benevolen-
tia in ignotos distingvatur, *t. 10.* *Aperta,* ut ab occulto
amore distingvatur, quo amamus, qui non novit se amari,
eoq; redamare nequit, etsi aliàs notus. Amici enim di-
cuntur, quorum nota & aperta inter se benevolentia.

V. 8. Nicam. C. 2. 4. Actiuosa, ut non in nudo affectu aut habitu sistat, sed cogitata vertat in opera, *t. 8. Officiosa* enim esse debet, non tantum benè velle, sed magis benè facere. *Cicer. in Lal.* Officio sublato amicitia interit. Sic illud, multas amicitias silentium diremit. *Item*, Non sunt amici, qui procul sedes colunt. *Mutua*, ut ab amore dist. qui in non redamantes ferri potest, *t. 10.* Amicitia amat & amatur, amor actiuus & in hostes, auersos, ignotos, inanimatos, insensatos, irracionales, fertur, qui non redamant. Sed hìc illud Hecatonis valet: *Si vis amari, ama. Senec. Ep. 9.* Et actiuus amor prestantior passiuo, nam & agere in bonis melius, quàm pati, & laus virtutis in actu est, & hinc plus benignitatis, quam indè: *Et si passiuus sit appetibilior*, & pleriq; amari, quàm amare, malunt. Opinonem enim virtutis concitat, ac honorari se censent, quod plerisq; naturà insitum. *V. d. 10. Dec. 3. t. 10.*

12. *E subiectis quorundam inter se dicitur.* Subj. amic. sunt homines, non beluæ, Angeli, Spiritus, plantæ, aut insensata. Hæc enim moralium propriè non capacia, *d. 3. t. 4.* Et quidam ac pauci, non omnes aut multi, nam & rara virtus est, quæ fundamen hic amicit. *t. 3. 4.* Rari quippè boni. *Juvenal Sat. 13.* Et amor sincerus, actiuosus, ac mutuus rarus, facilè enim homines mutantur; diu explorandus amicus, sæpè magis ἀρεστος, quàm φίλος, Placentinus, quàm amicus, & ex formâ, non vero est: Et *Scriptura πολυφιλίαν* cavere jubet, *Syrac. 6. v. 6. 7.* Et gentiles consentiunt. Sic *Pythagoras*: Multis manum ne injeceris. *Hesiodus*, nec multorum, nec nullorum hospes sis. *Seneca*, Omnes habere amicos operosum, non inimicos esse satis est. Et ex multiamicitia varia incommoda, confusio, rixæ, inæqualitas, distractio, oriuntur. Quot

autem amici habendi, ex conversandi commodo, virtutum meliore exercitio, mutuo officio, beneficio, communicatione, æstimandum. Perfectissima inter duos est amicitia. Ut David & Jonatan, Damon & Pythias, Cicero & Atticus, &c. Ex fine & impulsivo honesti & amabilis boni gratiâ exerc. dicitur. Honesti, i. e. virtutis, hæc enim primum hic: Amabilis, i. e. commodum, utile, jucundum, socium, hoc secundarium, ut adjutores, fautores, hilaratores, socios in omni statu habeamus. V. t. 3.

13. *Causa amicit. efficiens prima DEUS, qui hominẽ sociale animal fecit, & secunda, Natura, occasio, indigentia, utilitas, sic copia pater, inopia mater amic. Veteribus dicta, Piccolom. gr. 7. c. 5. Etsi inopia privativum quid, & sic positivi causa esse nequeat, quod Eventus d. 22. t. 2. re-gerit, non enim Physica & naturâ influens, sed moralis & stimulans causa est, sic peccatum ad quærendum Salvatorem, paupertas ad beneficium incitat. V. Horat. lib. 3. od. 24. Et lib. 2. Ep. 3. Plautum Stich. a. 2. s. 1. Persium prol. sat. Aequalitas, ut si vis aptè nubere, nube pari, ulli fidere, fide pari. Inæqualium enim dura amicitia. V. Curt. l. 7. C. 3. Sic inter senes & juvenes, morosos & lætos, querulos & securos, ingrata amicitia, nisi mentium æqualitas accedat. Ut Arithmetica, ubi officiorum & status vitæ æqualitas est. Nam ubi hic nimis variatur, sæpè amici. definit, ut inter Periclem & Anaxagoram, Laert. L. 2. C. 3. Vel Geometrica, Cum æqualitas proportionis est, etsi status dispares, ut favore imperantis, & obedientiâ parentis: Virtus alterius, quæ ad amandum incitat, consuetudo, propinquitas, utilitas, jucunditas, aliæq;.*

14. *Finis, qui vel civilis, ut felicitas civilis, vel spiritualis, ut DEI gloria, vel specialis, ut honestum, jucundum,*

dum, utile, *t. 12. V. c. l. t. 14.* Inhonestum pro amico non agendum, nec ab eo id petendum: Incommodum agi potest, si aliter non detur. Sic ære alieno amicum obsidem liberabis, & Creditorem potius differes. *Materia in quâ Subiectum est, t. 12. Forma ipsa benevolentia & am. est. t. 8.* *Affectiones am.* attributa, officia, & effecta esse possunt. *Attributa* necessitas, jucunditas, dignitas, utilitas, & raritas sunt. *V. c. l. t. 15.* *Officia* sunt munera ab amico occupanda. Ut amor, benevolentia, concordia, beneficentia. *Amor* sincerus, fidelis, magnus, & constans esse debet. *V. t. 11.* Non illud *Biantis* cogitandum: ama, tanquam osurus, quod *Aristot.* invertit, *Cicero* adversum amic. ait, nec Philosophi, sed impuri hominis putat, aut de amicis in malos degenerantibus capiendum. *Benevolentia* bonum amico velle, optare, curare, & exhibere debet, & incommodum, si boni rationem habet. Sic amaram potionem ob sanitatem, frigidam aut vinum negare ob febrim.

15. *Concordia* animorum consensus de utili & agibili est, Sic velle & nolle ambobus idem, & amicus unus animus duobus corporibus inhabitans est. *An hæc in dissensione religionis esse queat, quaritur?* In civili amicitia, ubi virtus civilis attenditur, non spiritali, ubi spiritalis, ut religio, & dissensio in secundariis, non toto fundamento, ac *ὁμόνοια* & animorum, non *ὁμοδοξία* & opinionum unio hic esse potest, ac inter errantem & erroneam, seducentem & seductam, seminantem & consentientem, per tinacem & lenem, contradicentem, & nudè errori adhærentem, aliaq; hic distinguendum est, non enim diversitas religionis tollet vinculum humanitatis, nec una religio omnium civilium scopus & gradus est, ut rigidiores *Papistarum, Theologorum* quorundam, *Zelotarum,* & similium censent,

consent, secus nec gentilibus amicitia aut Respublica fu-
isset, ut plurib. *1. 17. dec. 3.* dictum. *Conf. d. 8. t. 19. h. loci.* Sic in
Apostolis Christus errores de mundano regno dissimula-
vit, & toleravit. *Matth. 20. Luc. 22. 24. Act. 1.* Et tamen
amicos vocavit, & quidem spirituales, *t. 5.* Cum in ipso
errore hærent. Exemplum nobis in simili relinquens.
Ita hic loci exempla conjugum religione divertentium,
cætera conjunctissimè viventium, sunt. *Monica* Augustini
mater cum Viro Manichæo conjunctissimè vixit. *Meisner.*
p. 1. Ph. sob. f. 2. C. 3. Si alter religionem oppugnet, irride-
at, blasphemet, idq; frequenter agat, vix inter tales & civilis
amicitia constabit. Plurib. *Tr. d. Communione Sanctorum*
C. 5. de hoc dicam. *Beneficentia amoris & affectus*, ut factis,
erga amicum contestatio est. *Hic amicorum omnia commu-
nia, quæ naturæ sui & salvæ honestate usu communicabilia sunt.*
Non uxores, ut *Plato & Anabaptistæ* volunt. Ut *c. l.* dicam.
Et vitia dissimulanda ac tegenda, non exagitanda vel re-
velanda, moresq; noveris, non oderis.

16. *Effecta amicorum inter se auxilium aliaq; ad alios*
variarum virtutum promotio sunt. *V. 8. Nicom. c. 1. Cicer.*
Lab. Divisio ex objectis in primariam, quæ proborum ex pro-
bitatis cognitione exsurgens, & ad honestam vitæ conjun-
ctionem deducens, & *secundariam*, quæ ex amabilis secun-
darii cognitione exsurgens, ad utilem aut jucundam vitæ
conjunctionem deducens, est. *Vita hic præferenda?* quæri
solet. *V. Dec. 3. d. 10. t. 21. Ex subjectis & statibus in spiritu-
alem*, quæ Theologici fori, *t. 5.* Et *civilem*, æqualem &
inæqualem, privatam & publicam, Consuetudinariam &
Consanguineam, *Ex gradibus* in intensam & remissam, ut
inter hostes conciliatos, quibus cum cautione aliquâ
fidendum est, *V. Syrac. 12. v. 10. Camerart. C. 1.*

E. 92. V. c. l. dividitur; &c.



